

ახალი სარსაბსული

345 (4) 20 თებერვალი, 2017 წ

ვერტევიჭალაში სასათბურე მეურნეობის განვითარება დაიწყო



ხარაგაულის მუნიციპალიტეტის სოფელ ვერტევიჭალაში სასათბურე მეურნეობის განვითარებას ჩაეყარა საფუძველი. იდეის ავტორი, ამავე სოფლის მკვიდრი 34 წლის ალექსანდრე ციციშვილია. თავის კუთხეზე უზომოდ შეყვარებულმა ახალგაზრდამ ქალაქიდან მამაპაპისეულ სახლში დაბრუნება გადაწყვიტა და მცირე დანაზოგით პომიდვრის სათბური გააკეთა. ცხრაასი ძირი ჩითილი საკუთარი ხელით გამოიყვანა და ბუნებრივად განაყოფიერებულ მიწაზე გააშენა. მცირე მენარმეების, ფერმერებისა და კოოპერატივების სახელმწიფო ხელშეწყობის პროგრამაში მას მონაწილეობა არ მიუღია. ყოველივე საკუთარი სახსრებით მოაწყო და მალე მეურნეობის ეს დარგი მისი შემოსავლის წყაროდ იქცევა. რო-

გორც თვითონ ამბობს, სათბურის შექმნის სურვილი სპონტანურად ეწვია. დაუღალავი შრომითა და მეგობრების დახმარებით იდეა სისრულეში მოიყვანა. „სოფლის მეურნეობის კუთხით ნაკლებად ვიყავი დაინტერესებული, მხოლოდ ბებოსთან ჩამოვდიოდი ზაფხულობით დასასვენებლად. თუმცა სულ მინდოდა, ამ უღამაზეს ხეობაში რაღაც ღირებული შემექმნა და ჩემი რაიონი მესახელებინა,“ - გვიყვება ალექსანდრე. ახალგაზრდა მეურნე ამბობს, რომ საქმე საკმაოდ შრომატევადია, თუმცა შედეგის მისაღწევად მთავარი მონდომებაა. პირველი მოსავლის მიღებას ორ კვირაში

გაგრძელება ▶ 2 გვ.

ქიზულა-ჩუგათელის გზის რეაბილიტაციის პროექტი

ხარაგაულის მაჟორიტარი დეპუტატის, კობა ლურსმანაშვილის, ინიციატივით, მიმდინარე წელს ქვეყნის მასშტაბით მეტად მნიშვნელოვანი ინფრასტრუქტურული პროექტების განხორციელება იგეგმება. როგორც ლურსმანაშვილი, ჩვენთან საუბარში აღნიშნავს, რამდენიმე დღის წინ მოხდა ევროპის საინვესტიციო ფონდსა და საქართველოს მთავრობას შორის ხელშეკრულების გაფორმება, რომლის ფარგლებშიც დაახლოებით 10 მილიონი ლარი მუნიციპალიტეტებში ინფრასტრუქტურულ პროექტებზე დაიხარჯება, მათ შორის იქნება ხარაგაულიც. მაჟორიტარი დეპუტატის ინიციატივით, საქართველოს მთავრობასა და ევროპის საინვესტიციო ფონდს შორის სხვა ხელშეკრულებაც გაფორმდა, რომლის ფარგლებში 250 მილიონი ევროა გამოყოფილი. ამ თანხის გარკვეული ნაწილი უბისა- შორაპნისა და საირმე-აბასთუმნის გზების მოდერნიზებას მოხმარდება. რაც შეეხება ჩვენი მუნიციპალიტეტისთვის ძალზე მნიშვნელოვან პროექტს, ძირულა-ჩუგათელის საავტომობილო გზის

რეაბილიტაციას, დეპუტატი ამბობს, რომ ეს გზა აზიის განვითარების ბანკის დახმარებით აშენდება. „აღნიშნული გზის პროექტი უახლოეს მომავალში დაიწყება. გამოვლენილია ტენდერში გამარჯვებული კომპანია „კოქს-სა“. ხელშეკრულების ფარგლებში, ძირულა-ხარაგაული-მოლთი-ფონა-ჩუგათელის გზის 50 კილომეტრიანი მონაკვეთის რეაბილიტაციისთვის მომზადდება: დეტალური პროექტი, სატენდერო დოკუმენტაცია, გარემოზე ზემოქმედების შეფასების, მიწის შესყიდვისა და განსახლების დეტალური გეგმის დოკუმენტები. პროექტი 9 თვეში უნდა მომზადდეს და მისი ღირებულება 1 231 566 აშშ. დოლარი და 1 249 030 ლარია. გზის რეაბილიტაციის შედეგად ამ ხეობაში მცხოვრები მოსახლეობის საცხოვრებელი პირობები გაუმჯობესდება. ამოქმედდება სავაჭრო და ტურისტული ობიექტები, რაც მოსახლეობას დამატებით შემოსავლებს გაუჩენს.“ - დასძინა კობა ლურსმანაშვილმა.

კაპ შავიძე

საკრებულოს თავმჯდომარე, მანანა ბარბაქაძე, სოციალურად დაუცველი ოჯახების ჩვილებს საკვები პროდუქტები გალანს

ა(ა)იპ „მოქალაქეთა ჩართულობისა და ინფორმირების მუნიციპალური ცენტრის“ (დირექტორი ეკა შავიძე) ინიციატივით საერთაშორისო ასოციაციამ ხარაგაულში მცხოვრებ სოციალურად დაუცველ, ერთ წლამდე ასაკის, ბავშვებს საკვები პროდუქტი „ჰუმანა“ გადასცა. საქველმოქმედო აქცია უკვე ორი წელია ხორციელდება და ამჟამად მასში ათი ბენეფიციარია ჩართული. ბავშვები, ვიდრე ერთი წლის ასაკს მიაღწევენ, მათთვის საჭირო რაოდენობის საკვებ პროდუქტ „ჰუმანას“ რეგულარულად მიიღებენ. მუნიციპალიტეტის საკრებულოს თავმჯდომარე, მანანა ბარბაქაძე, ბორითის ღვთისმშობლის მიძინების ტაძრის დედათა მონასტრის სულიერ დედაებთან ერთად, ბავშვების მშობლებს საკვები პროდუქტები პირადად გადასცა. შეგახსენებთ, რომ ასოციაცია „საქართველოს ქალები მშვიდობისა და სიცოცხლისათვის“ და „ჰუმანა ჯორჯიას“ უკვე წლებია, გაფორმებული აქეთ



ხელშეკრულება, რომლის საფუძველზეც „ჰუმანას“ პროდუქტია ასოციაციის სახელით შედის საავადმყოფოებში, ასევე მას იღებენ სოციალურად დაუცველი და მრავალშვილიანი ოჯახები.

ხარაგაულში ახალგაზრდული საკრებულოს ახალ შემადგენლობას აირჩევნ



უკვე რამდენიმე წელია, არასამთავრობო ორგანიზაციის - „ადამიანი, კანონი, თავისუფლება“- ინიციატივით ხარაგაულში ახალგაზრდული საკრებულო ფუნქციონირებს. საკრებულო წელიწადში ერთხელ ირჩევა და იგი მუნიციპალიტეტის საჯარო სკოლების X, XI, და XII კლასების მაღალი აკადემიური მოსწრების მქონე მოსწავლეებით კომპლექტდება. მომავალი ახალგაზრდული საკრებულოს წევრები ხარაგაულის მუნიციპალიტეტის საკრებულოს თავმჯდომარეს, მანანა ბარბაქაძეს, შეხვდნენ. შეხვედრა გაცნობითი ხასიათის იყო და მას ხარა-

გაულის საგანმანათლებლო რესურსცენტრის უფროსი, დავით კიკნაძე და საფინანსო-საბიუჯეტო კომისიის თავმჯდომარე ვარლამ ჭიპაშვილი ესწრებოდნენ. ქალბატონმა მანანა ბარბაქაძემ მოსწავლეებს საკრებულოს საქმიანობის ძირითადი პრინციპები გააცნო და დასძინა, რომ პროექტის ერთ-ერთი ძირითადი მიზანი ლიდერი ახალგაზრდების გამოვლენა და მათთვის თვითრეალიზებაში ხელის შეწყობაა. შეხვედრაზე დავით კიკნაძემ ახალგაზრდული საკრებულოს დანიშნულებაზე ისაუბრა. მისივე თქმით, მსგავსი ტიპის აქტივობები ენერჯიულ და მოტივირებულ ახალგაზრდებს განვითარებისთვის ფართო ასპარეზს მისცემს. საფინანსო-საბიუჯეტო კომისიის თავმჯდომარემ, ვარლამ ჭიპაშვილმა, მოსწავლეებს წარმატებები უსურვა შემდგომ საქმიანობაში და ადგილობრივ თვითმმართველობასთან აქტიური თანამშრომლობისკენ მოუწოდა. უახლოეს მომავალში ახალგაზრდული საკრებულოს პირველი სხდომა გაიმართება, სადაც ფართული კენჭისყრით საკრებულოს თავმჯდომარეს, მის მოადგილესა და კომისიის თავმჯდომარეებს აირჩევენ.

კაპ შავიძე

სიხლუაუბი საგანმანათლებლო სფეროში

13 თებერვალს ხარაგაულის საგანმანათლებლო რესურსცენტრში მუნიციპალიტეტის საჯარო სკოლის დირექტორებთან თათბირი გაიმართა. შეხვედრაზე ხარაგაულის საგანმანათლებლო რესურსცენტრის უფროსმა, დავით კიკნაძემ, იმ სახსრების შესახებ ისაუბრა, რომლებიც უახლოეს მომავალში განათლების სფეროში განხორციელდება. ერთ-ერთი ახალი თემა სასკოლო ავტობუსის მძღოლების ანაზღაურების საკითხი გახლდათ. როგორც ვიცით, საქართველოს განათლე-

რუნველყოფდნენ. თუმცა ისინი ხელშეკრულებით გათვალისწინებულ პირობებს ვერ ასრულებდნენ და მძღოლებს ანაზღაურებას უგვიანებდნენ. აქედან გამომდინარე, განათლებისა და მეცნიერების სამინისტრომ მიიღო გადაწყვეტილება, რომ მძღოლებს ხელშეკრულება სკოლებმა გაუფორმონ. ის სკოლები კი, რომელთა სატრანსპორტო მომსახურების თანხები წლიურად 5000 ლარს სცდება, ტენდერს თავად გამოაცხადებენ.

გაგრძელება ▶ 2 გვ.

ჩუბო თაბაჯაშვილის დაბადების 90 წლისთავი ფაქტობრივად აღინიშნება



ქაქუცა ჩოლოყაშვილის სახელობის სრულიად საქართველოს ჩოხოსან რაინდთა დასის ინიციატივითა და საქართველოს განათლებისა და მეცნიერების სამინისტროს მხარდაჭერით წელს სახელოვანი ქართველი მამულიშვილის, შოთა რუსთაველის პრემიის ლაურეატის, მწერლისა და კინემატოგრაფისტის ჩუბო თაბუკაშვილის დაბადების 90 წლისთავი აღინიშნება.

ამის შესახებ ინფორმაცია ხარაგაულის საგანმანათლებლო რესურსცენტრის უფროსმა, დავით კიკნაძემ, მოგვანოდა.

საიუბილეო თარიღთან დაკავშირებით მთელი ქვეყნის მასშტაბით მოსწავლეთა რესპუბლიკური კონფერენცია-კონკურსი ორ ტურად ჩატარდება.

კონკურსში მონაწილეობის მსურველებმა სახელოვანი ადამიანის ცხოვრებასა და შემოქმედებაზე უნდა დაწერონ თხზულება(7-10გვ).

ნამუშევრები აპრილის ბოლომდე უნდა მიეწოდოს ჟიურის ელექტრონულ ფოსტაზე (dolidze1934@mail.ru) ან გაიგზავნოს შემდეგ მისამართზე: თბილისი, დავით აღმაშენებლის გამზირი N40, საქართველოს შოთა რუს-

თაველის სახელობის თეატრისა და კინოს სახელმწიფო უნივერსიტეტი.

პირველი ტურის შედეგები ნაშრომის გაგზავნიდან ორ კვირაში გამოცხადდება. აღსანიშნავია, რომ კონკურსის მეორე ტური 3-4 ივნისს ხარაგაულის საგანმანათლებლო რესურსცენტრში ჩატარდება. მოსწავლეები აუდიტორიის წინაშე წარადგენენ თავიანთ თხზულებას თანმიმდევრული დასაბუთებული თხრობით და მკაფიო მეტყველებით, სცენაზე დგომისა და ქცევის კულტურით. გამარჯვებულებს კი სპეციალურად შერჩეული ჟიური გამოავლენს, რომლებიც ჩოხოსან რაინდთა დასის დაარსების მე-12 წლისთავისადმი მიძღვნილ ღონისძიებაზე ფასიანი და სამახსოვრო საჩუქრებით დაჯილდოვდებიან. საზეიმო ცერემონიაში მონაწილეობას მიიღებენ, როგორც ჩუბო თაბუკაშვილის შთამომავლები, ასევე ჩვენი ქვეყნის გამოჩენილი საზოგადო მოღვაწეები. აღნიშნული ღონისძიება 15 დეკემბერს თბილისში მოსწავლე-ახალგაზრდობის რესპუბლიკურ სასახლეში გაიმართება.

ლელა გუგულაშვილი

სოფელ სალანდილეში ხანძრის შედეგად საცხოვრებელი სახლი დაინვა

15 თებერვალს ხარაგაულის მუნიციპალიტეტის სოფელ სალანდილეში ხანძრის შედეგად ვეფხვია კაპანაძის სახლი დაინვა. სამწუხაროდ, საცხოვრებელ სახლში ვერაფრის გადარჩენა მოხერხდა. ექვსსულიანი ოჯახის წევრებიდან არავინ დაშავებულა. ცეცხლის ლოკალიზება ხარაგაულის სახანძრო-სამაშველო სამსახურმა უზრუნველყო. ადგილზე მობილიზებული იყო პოლიცია. აქვე იმყოფებოდნენ სალანდილის მაჟორიტარი დეპუტატი დავით კიკნაძე და გამგებლის წარმომადგენელი სალანდილის ადმინისტრაციულ ერთეულში კობა ყრუაშვილი.



ხანძრის გაჩენის სავარაუდო მიზეზად საშუაზე ღუმელს ასახელებენ.

ხარაგაულის მუნიციპალიტეტის გამგებლის მოადგილის, თეიმურაზ ჩხეიძის, ინფორმაციით, დაზარალებული ოჯახი ადგილობრივი ბიუჯეტიდან 2 500 ლარს მიიღებს.

დეპუტატმა დავით კიკნაძემ და გამგებლის წარმომადგენელმა კობა ყრუაშვილმა დაზარალებულებს პირველადი მოხმარების ნივთები გადასცეს. ოჯახს, ასევე საკვები პროდუქტებით დაეხმარა ა(ა)იპ „სათნოების სახლი“ (დირექტორი გოგიტა ჩიჩილიძე).

ხარაგაულის მუნიციპალიტეტის გამგეობა თხოვნით მიმართავს მოსახლეობას, შესაძ-

ლებლობის ფარგლებში დავეხმაროთ ვეფხვია კაპანაძის ოჯახს. მათ საკმაოდ მძიმე ეკონომიურ პირობებში უწევდათ ცხოვრება და ამ ყველაფერს საცხოვრებელი სახლის პრობლემაც დაემატა.

ვეფხვია კაპანაძეს ოჯახში დედა, მეუღლე და სამი მცირეწლოვანი შვილი ჰყავს.

დაინტერესებულმა პირებმა მიმართეთ ა(ა)იპ „მოქალაქეთა ჩართულობისა და ინფორმირების მუნიციპალური ცენტრს“, გამგეობის შენობის პირველ სართულზე.

ტელ: 0 433 22 32 25; 598-90-00-81

მსხვილფეხა -რქოსან პირუტყვთა ხელოვნური განაყოფიერება ხარაგაულის მუნიციპალიტეტში გაზაფხულიდან დაიწყება



მსხვილფეხა-რქოსან პირუტყვთა ხელოვნური განაყოფიერება ხარაგაულის მუნიციპალიტეტში გაზაფხულიდან დაიწყება. ამის შესახებ ინფორმაცია სოფლის მეურნეობის სამინისტროს ხარაგაულის მუნიციპალიტეტის საინფორმაციო - საკონსულტაციო სამსახურის უფროსმა, ბონდო კიკნაველიძემ, მოგვანოდა. მისივე განმარტებით ადგილობრივი ბიუჯეტიდან

პროგრამის მხარდასაჭერად 5 ათასი ლარი გამოიყო, რომლის ფარგლებში შესაძლებელი იქნება ყველა საჭირო ინვენტარის შეძენა.

დაინტერესებულ პირებს ვეტექიმი ადგილზე მოემსახურება, რომელიც გადამზადების კურსს თბილისში, „კავკასიის გენეტიკის“ ცენტრში, გაივლის. ხელოვნური განაყოფიერების ღირებულების 50%-ს მუნიციპალიტეტის

გამგეობა უზრუნველყოფს.

„ჩვენი მთავრობის პრიორიტეტი სოფლის მეურნეობის აღორძინებაა. სწორედ ამ მიზნით ხორციელდება ეს პროგრამა. ხელოვნური განაყოფიერების შედეგად საქონლის ჯიში უმჯობესდება და პროდუქტიულობაც მატულობს. სერვისი მრავალწლიანია და იგი არაერთ მუნიციპალიტეტში (ზესტაფონი, ბაღდათი, ვანი, თერჯოლა და სხვა) წარმატებით ხორციელდება,“ - განმარტავს ბონდო კიკნაველიძე.

სოფლის მეურნეობის სამინისტროს ხარაგაულის მუნიციპალიტეტის საინფორმაციო - საკონსულტაციო სამსახურის უფროსი პროექტის მხარდაჭერისათვის მადლობას უხდის ხარაგაულის მუნიციპალიტეტის გამგებელს, ნიკოლოზ თოფურიძეს.

თამარ მაღრაძე

„Worknet-ის“ დასაქმების პროგრამის ფარგლებში ხარაგაუდში სასწავლო ცენტრი შეიქმნება

„Worknet-ის“ დასაქმების პროგრამის ფარგლებში ხარაგაუდში სასწავლო ცენტრი შეიქმნება, სადაც დაინტერესებული პირები სხვადასხვა სპეციალობის შემსწავლელ კურსებს უფასოდ გაივლიან. პროექტი ხარაგაუდში არასამთავრობო ორგანიზაცია „ნაბიჯი ხარაგაულის“ ხელმძღვანელის, რუსუდან გურგენიძის, ინიციატივითა და დავით აღმაშენებლის სახელობის აკადემიის მხარდაჭერით ხორციელდება.

პროგრამაში ჩართვა 16 წელს ზემოთ ნებისმიერ მოქალაქეს შეეძლება, რომლებიც რეგისტრაციას მარტის დასაწყისში ხარაგაულის სოციალური მომსახურების სააგენტოში გაივლიან. უპირატესობა გსმ და სოციალურად დაუცველ პირებს, ასევე მრავალშვილიან და მართლხელა დედებს მიენიჭებათ.

რუსუდან გურგენიძის ინფორმა-

ციით, პროგრამის ფარგლებში შესაძლებელი იქნება, აიტ- სპეციალისტის, კომპიუტერული ქსელების მონყობის, ბიზნეს ადმინისტრირების, მკერავ - დიზაინერისა და ტურ-ოპერატორის სასწავლო კურსების გავლა. სწავლების პროცესი სამთვიანი იქნება და დასრულების შემდეგ მსმენელები დავით აღმაშენებლის სახელობის აკადემიის სერტიფიკატს მიიღებენ. ჯგუფების დაკომპლექტების შემდეგ, პედაგოგების გადამზადებასა და საჭირო ნივთებით აღჭურვაზე აკადემია იზრუნებს.

დამატებითი ინფორმაციისათვის შეგიძლიათ დაუკავშირდეთ პროექტის ხელმძღვანელს.

საკონტაქტო ინფორმაცია: 599- 851- 600; 555- 136- 153.

რუსულან გურგენიძე

E-mail – ruso.gurgenidze@mail.ru

თამარ მაღრაძე

იურიდიულმა უომისიამ ახალი ფრაქციების შექმნის თაობაზე უარყოფითი დასჯენა გასცა

10 თებერვალს იურიდიული, სამანდატო, საპროცედურო და ეთიკის კომისიის წევრებმა ახალი ფრაქციების - „თავისუფალი არჩევანისა“ და „დემოკრატების“ - შექმნის შესახებ იმსჯელეს.

„თავისუფალი არჩევანის“ შექმნას გელა გოლუბიანი, მერაბ ღონლაძე და ვლადიმერ ბუაჩიძე ჯერ კიდევ გასული წლის ბოლოს ითხოვდნენ. რაც შეეხება ფრაქცია „დემოკრატებს“, მისი შექმნის სურვილი უშანგი ბერაძემ, გიორგი ლაცაბიძემ და რომან შერგელაშვილმა გამოთქვეს.

ფრაქციების შექმნას საფინანსო - საბიუჯეტო კომისიის თავმჯდომარე, ვარლამ ჭიპაშვილი, უკანონოდ მიიჩნევს და არგუმენტად საკრებულოს რეგლამენტის 35-ე მუხლს იშველიებს.

„ადგილობრივი თვითმმართველობის კოდექსის 30-ე მუხლისა და ხარაგაულის მუნიციპალიტეტის საკრებულოს რეგლამენტის 35-ე მუხლის

მე-2 ნაწილში ცალსახადაა განწერილი ფრაქციის შექმნის სამართლებრივი საფუძვლები. აქედან გამომდინარე, ვინაიდან ფრაქციის შექმნის მსურველთა უმრავლესობა არჩეული არის საარჩევნო ბლოკის მიერ და ამასთანავე არიან უპარტიოები, კანონის შესაბამისად, მათ უფლება აქვთ, გაერთიანდნენ მხოლოდ წარდგენილ ბლოკისა და ამ ბლოკში გაერთიანებული პარტიების მიერ შექმნილ ერთ-ერთ ფრაქციაში. ასევე მნიშვნელოვანია, რომ ფრაქციების პოლიტიკური პლატფორმა ბუნდოვანი და არასრულყოფილია.“

იურიდიულმა კომისიამ ფრაქციების შექმნის თაობაზე უარყოფითი დასკვნა გასცა. საკითხს უახლოეს საკრებულოს სხდომაზე განიხილავენ. იმ შემთხვევაში, თუ უმრავლესობა კომისიის დასკვნას გაიზიარებს, ახალი ფრაქციები არ შეიქმნება.

თამარ მაღრაძე